



KO TE

KAHITI O NIU TIRENI.

HE MEA TA I RUNGA I TE MANA O TE KAWANATANGA.

PONEKE, TAITE, HANUERE 30, 1896.

He panuitanga tenei i nga tikanga o te Waraati o Te Kawana i whakaputaina i runga i nga ritenga o "Te Ture Whenua Maori, 1894," unu i nga here e mau ana inaianei i runga i nga whenua e mau nei te whakaaturanga i raro iho nei.

Te Ra i whakaputaina ai te Waraati o te Kawana.	Nga tikanga o te Tiiti, Pukapuka ranei i mau ra aua here i roto.	Te Whakaaturanga o te Whenua.
Hanuere 21, 1895 . .	<p>He ota wehewehe o te Kooti Whenua Maori i whakaputaina i te 5 o nga ra o Nowema, 1891, ki a Ramari Rangikoropa, me te mau o enei kupu here i roto, ara:</p> <p>"E kore e taea te hoko, te rihi ranei mo te wa roa atu i te rua-tekau-ma-tahi nga tau, te mokete ranei, engari me matua whakaae o Te Kawana, katahi ka tika taua hoko, rihi, mokete ranei"</p> <p>Me te whenua e puritia ana i raro i te ota wehewehe o te Kooti Whenua Maori, i whakaputaina i te 5 o nga ra o Nowema, 1891, ki a Witarihana Rupuha me etahi atu tokorua, me te mau o enei kupu here i roto, ara:</p> <p>"E kore e taea te hoko te rihi ranei mo te wa roa atu i te rua-tekau-ma-tahi nga tau, engari me matua whakaae o Te Kawana, katahi ka tika taua hoko, rihi, mokete ranei"</p>	<p>Tera pihi whenua katoa, e 15'7 nga paati i roto, ara ko Tekiona Nama 107A i te Taone-hipi o Hadfield (Otaki).</p> <p>Tera pihi whenua katoa, e 15'7 nga paati i roto, ara ko Tekiona Nama 107B i te Taone-hipi o Hadfield (Otaki).</p>

Tono Pukapuka Whakamana Kai-whakahaere, me te apiti mai ano i te Wira.

Tari Kooti Whenua Maori, Akarana, 24 Hanuere, 1896.

Mo te wira o HONE TE ONE, o Kawhia, kua mate.

I RUNGA i tetahi pukapuka tono i tukua mai e Hone Kaora, o Kawhia, kia whakaputaina atu he Pukapuka Whakamana Kai-whakahaere i raro i te Wira kua whakahuatia i runga ake nei.

Na, he panuitanga tenei ko nga tangata katoa e whakahaere ana ki taua tono me tuku mai e ratou he pukapuka arai i taua tono ki te Tari o te Kai-Rehita o te Kooti Whenua Maori, i Akarana, i runga ano i nga tikanga tuku pukapuka pera, me tuku mai taua pukapuka arai i roto i nga marama o rua i muri atu i te ra i puta ai tenei *Kakiti*.

NA HEMI W. PARAONE, Kai-Rehita.

WHAKANUKUHANGA I TE TUUNGA O TE KOOTI WHENUA MAORI KI WAIUKU, KI TE 6 O NGA RA O PEPUERE, 1896.

"Te Ture Kooti Whenua Maori, 1894."

Tari Kooti Whenua Maori, Akarana, 20 Hanuere, 1896.

HE panuitanga tenei kia mohiotia ai, ko te tuunga o te Kooti Whenua Maori, i panuitia kia tu ki Waiuku, a te 30 o nga ra o Hanuere, 1896, kua whakanukuhia ki te 6 o nga ra o Pepuere, 1896.

[Auokland, 96-5.]

NA HEMI W. PARAONE, Kai-Rehita.